

隆昌縣志卷二十二

茶法

陸羽辨茶味而作經盧仝計茶碗而寫性其昉遠
其事韻矣隆雖非產茶之區而五花雷鳴未嘗不
引行資食可蒙樂利而顧忽之也哉志茶法
邑素不產茶亦無茶引只有合江名山洪雅三縣
持引來隆投驗借地發賣茶引稅銀仍回本縣完
納申解道光三十年奏文茶課八十八兩九錢五
分票息銀十六兩二錢